

**LUTRIJA BOSNE I HERCEGOVINE d.o.o. Sarajevo**  
**NADZORNI ODBOR**

Na osnovu člana 22. Zakona o igrama na sreću („Službene novine FBiH“, br.48/15. i 60/15.) i člana 22. Statuta Lutrije Bosne i Hercegovine d.o.o. Sarajevo („Službene novine FBiH“, br.95/15.), Nadzorni odbor Lutrije Bosne i Hercegovine, na sjednici održanoj dana 17.03.2021. godine, d o n i o j e

**P R A V I L A**  
**novčane srećke „PENALI”**

**1. OPŠTE ODREDBE**

**Član 1.**

Ovim se Pravilima propisuju uslovi za priređivanje novčane srećke „PENALI”.

**Član 2.**

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke „PENALI”.

Ugovor iz stava 1. ovog člana zaključuje se između Lutrije Bosne i Hercegovine d.o.o. Sarajevo (u daljem tekstu: Priređivač) i učesnika u igri na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

**2. NAZIV I VRIJEME TRAJANJA IGRE**

**Član 3.**

Novčana srećka „PENALI” (u daljem tekstu: srećka) je igra na sreću koja na sebi ima četiri igre. Dobitak je moguće ostvariti u samo jednoj od igara.

**Član 4.**

Rok prodaje srećke otisnut je na srećki.

Rok prodaje srećke i krajnji rok za naplatu dobitaka mogu se produžiti odlukom direktora Priređivača.

Srećke koje nisu prodane do zaključenja prodaje, odnosno dobitci na ovim srećkama, ne smatraju se neisplaćenim dobitcima.

Odluku o puštanju u prodaju svake od serija donosi direktor Priređivača i ista će se objaviti u jednoj od dnevnih novina.

### **3. USLOVI ZA UČEŠĆE U IGRI**

#### **Član 5.**

Učesnikom u igri smatra se osoba koja je sa Priređivačem zaključila ugovor iz člana 2. ovih Pravila, uz dokaz da posjeduje srećku.  
Srećka glasi na donosioca.

### **4. PODRUČJE PRIREĐIVANJA IGRE**

#### **Član 6.**

Srećka se priređuje na području Federacije Bosne i Hercegovine i Brčko Distrikta BiH.

### **5. POJEDINAČNA CIJENA SREĆKE**

#### **Član 7.**

Cijena jedne srećke je 1,00 KM.

### **6. KOLIČINA I NOVČANA VRIJEDNOST EMISIJE SREĆKE**

#### **Član 8.**

Srećka se emituje u serijama. Jedna serija sadrži 1.000.000 (jedan milion) komada srećaka.

Novčana vrijednost emisije srećaka iznosi 1.000.000,00 KM (jedan milion konvertibilnih maraka).

Odluku o broju serija donosi direktor Priređivača.

### **7. VISINA FONDA I VRSTE DOBITAKA**

#### **Član 9.**

Naknada za priređivanje srećke - javni prihod Federacije Bosne i Hercegovine iznosi 10% od ukupne emisije vrijednosti srećke ili 100.000,00 KM.

Fond dobitaka iznosi 60% od ukupne emisije vrijednosti ili 66,67% od ukupne emisije vrijednosti umanjene za naknadu iz stava 1. ovog člana.

Novčana vrijednosti fonda dobitaka iznosi 600.000,00 KM i dijeli se na 221.778 dobitaka.

Fond dobitaka serije se raspoređuje po slijedećem planu:

Vrste dobitaka	Vrijednost dobitka	Ukupan broj dobitnih srećki	Iznos koji se izdvaja iz fonda dobitaka	Vjerovatnoća 1 : ...
10.000 KM	10.000 KM	4	40.000 KM	250.000,00
1.000 KM	1.000 KM	4	4.000 KM	250.000,00
200 KM	200 KM	20	4.000 KM	50.000,00
100 KM	100 KM	50	5.000 KM	20.000,00
40 KM	40 KM	100	4.000 KM	10.000,00
BONUS 20 KM	20 KM	800	16.000 KM	1.250,00
20 KM	20 KM	200	4.000 KM	5.000,00
BONUS 10 KM	10 KM	10.000	100.000 KM	100,00
10 KM	10 KM	2.000	20.000 KM	500,00
BONUS 5 KM	5 KM	20.000	100.000 KM	50,00
5 KM	5 KM	8.600	43.000 KM	116,28
2 KM	2 KM	80.000	160.000 KM	12,50
1 KM	1 KM	100.000	100.000 KM	10,00
<b>UKUPNO:</b>		<b>221.778</b>	<b>600.000 KM</b>	<b>4,51</b>




Prosječna vjerovatnoća za ostvarivanje dobitka iznosi 1 : 4,51.

## 8. OPIS SREĆKE




### Član 10.

Srećka je kvadratnog oblika, a štampana je u više vizuala.

Prednja strana srećke sadrži:

- Logo Lutrije Bosne i Hercegovine;
- Naziv srećke: „PENALI“;
- Cijena srećke;
- NAJVEĆI DOBITAK 10.000 KM;
- Devet polja za grebanje označenih simbolom lopte;
- Natpis: „Ogrebi tri ista iznosa i osvoji pripadajući dobitak“.
- Tri BONUS polja za grebanje označena natpisom: „BONUS 1“, „BONUS 2“ i „BONUS 3“;
- Natpis: BONUS 1: „Pronađi  i osvoji 5 KM;
- Natpis: BONUS 2: „Pronađi  i osvoji 10 KM;
- Natpis: BONUS 3: „Pronađi  i osvoji 20 KM;
- Pakovni broj srećke.


Poleđina srećke sadrži:

- Logo „Srećke na dohvat ruke“;
- EAN Bar kod;
- Logo „IGRAJ ODGOVORNO“;
- Logo WLA - Certified Security Control Standard;
- Logo THE EUROPEAN LOTTERIES - RESPONSIBLE GAMING CERTIFIED;
- NOVČANI DOBITAK: Srećka PENALI na sebi ima četiri igre. Dobitak je moguće ostvariti u samo jednoj od igara.  
IGRA 1: Ukoliko se nakon skidanja emulzije sa polja za grebanje označenih simbolom lopte otkriju tri ista iznosa ostvaruje se taj novčani dobitak u jednostrukom iznosu.  
IGRA 2: Ukoliko se nakon skidanja emulzije ispod polja BONUS 1, otkrije simbol  ostvaruje se dobitak od 5 KM.  
IGRA 3: Ukoliko se nakon skidanja emulzije ispod polja BONUS 2, otkrije simbol  ostvaruje se dobitak od 10 KM.  
IGRA 4: Ukoliko se nakon skidanja emulzije ispod polja BONUS 3, otkrije simbol  ostvaruje se dobitak od 20 KM.
- Emisija: 1.000.000 srećaka;
- Emisiona vrijednost: 1.000.000 KM;
- Fond dobitaka: 600.000 KM;
- Datum prodaje do otisnut na srećki;
- Sigurnosni kod proizvođača;
- PLAN DOBITAKA;
- Priređivač: Lutrija BiH d.o.o. Sarajevo, Ul.Mehmeda Spahe 11, 71000 Sarajevo;
- Podaci o dobitniku za oporezive dobitke: ime i prezime, JMBG, adresa;
- Pakovni broj srećke;
- Polje sa uplatnom šifrom u brojčanoj i bar kod formi.

## 9. UTVRĐIVANJE DOBITAKA

### Član 11.

Učesnik u igri utvrđuje dobitak ukoliko nakon skidanja emulzije sa 9 polja za grebanje otkrije 3 ista iznosa. U tom slučaju ostvaruje taj dobitak u jednostrukom iznosu.

Ukoliko se ispod bilo kojeg BONUS polja za grebanje otkrije simbol  , ostvaruje se dobitak koji pripada tom BONUS polju.

Učesnik u igri nije dužan uzeti srećku na kojoj su vidljivi znaci oštećenja.

## **10. NAČIN I ROK ISPLATE NOVČANIH DOBITAKA**

### **Član 12.**

Pri isplati dobitaka učesnik u igri je dužan predati Priređivaču dobitnu srećku.

Dobitak se isplaćuje donosiocu srećke.

Dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

### **Član 13.**

Porez na novčani dobitak plaća učesnik u igri koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

### **Član 14.**

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Svi dobici prodatih srećaka, koji nisu isplaćeni do propisanog roka, smatraju se neisplaćenim dobicima.

### **Član 15.**

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

### **Član 16.**

Ispod polja za igru na prednjoj strani srećke se nalazi šifra. Priređivač čuva tajnost šifre.

## **11. NAČIN UPOZNAVANJA UČESNIKA U IGRI S OVIM PRAVILIMA**

### **Član 17.**

Ova Pravila nalaze se na svim prodajnim mjestima Priređivača. Osobama zainteresiranim za sudjelovanje u igri Priređivač je dužan omogućiti upoznavanje sa ovim Pravilima, odnosno dati ih na uvid.

## 12. PRELAZNE I ZAVRŠNE ODREDBE

### Član 18.

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

### Član 19.

Ova Pravila stupaju na snagu danom donošenja, a primjenjivat će se puštanjem u prodaju 1. serije srećke i ista će se objaviti u jednoj od dnevnih novina.

Broj: 01-2-408-6/21.  
Dana: 17.03.2021. godine

**P R E D S J E D N I K**

**Miroslav Ćorić, s.r.**